

光緒浦江縣志稿

光緒浦江縣志卷五

志建置第二

兵防

營制
險要

汛地
舖遞

民壯
電線

教場
兵事

易曰君子以除戎器戒不虞桑土綢繆之計講之宜
豫也浦僻處山陬背陸面括而肘腋乎杭越一旦有
事戎馬之足或濡浦陽之波濤兵可百年不用其可
一日不備歟今就舊志畧為增輯固疆圉防姦慝亦
安不忘危之道也志兵防

營制

(府志) 唐置婺州鎮將浦陽鎮將蘭谿三河戍主領於

浦陽折衝都尉府駐劄越州西四十里爲江南道府
兵二所之一

(府志) 元各縣鎮守千戶所凡七一在浦江縣東南二
十步

國朝(浙江通志)分防浦江縣汛左營把總一員有馬戰
兵三名無馬戰兵二名守兵二十五名設防浦江胡
公廟汛左營馬戰百總一名守兵一十九名設防浦
江斤竹嶺汛右營步戰百總一名守兵一十八名康
熙初縣城建駐防衙署四間營房六間後房屋傾圮
駐防者多借寺觀居住乾隆三十六年把總王兆英

稟請上憲建造衙署縣令姚增倡捐勸助卽於縣治

東南按察分司遺址建堂三楹左右廂房六間

互見公署

康熙十四年二十九都胡公廟小汛分防外委一

員建造署房四間營房三間斤竹嶺小汛分防百總

一員建造營房四間後俱裁省乾隆二十八年復設

胡公汛協防外委一員復裁省

按同治七年改設千總一員由金華左營調駐浦江
縣城減四存六設浦江縣汛步戰兵一名守兵十三
名

礮位 縣城安設劈山礮一位百子礮八位胡公汛安

設四號紅衣礮一位斤竹汛安設劈山礮二位順治

初年每鄉行團練法設鄉練以捍衛一鄉今鄉練久
革惟申嚴保甲以防察奸匪

汎地

浦江汎 金協調把總一員在城駐防守兵三十名

橫溪汎 在通化鄉六都乾隆八年建造營房三間煙

墩三座牌坊一座望臺一座防汎兵丁五名(薛志)按橫溪汎

與城寶山相近巖谷深遠道路四通當前代時山賊每據爲巢穴一達兜率嶺與義烏縣交界一達太陽嶺與金華縣交界一達橫木嶺與蘭谿縣交界控馭之策正不可無兵以駐此

胡公汎 在興賢鄉二十九都金協調外委一員協防

舊有營房三間乾隆二十九年添造營房四間炮房

一間煙墩三座牌坊一座防汛兵丁二十名

斤竹汛 在興賢鄉二十九都營房三間炮房一間煙

墩三座牌坊一座防汛兵丁二十名(薛志)按胡公斤竹二汛與紫閣

山相近界連諸暨富陽蕭山等縣重巒峻嶺易為盜

一鄉最受荼毒今設胡公斤竹二汛使形勢聯絡擊

橫溪斤竹二汛營房等亦廢惟基址尚存

民壯 弓兵附

(舊志)明英宗正統中設民壯二百名尋即停免武宗

正德十年照依丁糧增編民壯共六百名每二百名

為一班分作三班逐年輪班操演歲定工食銀每名

七兩貳錢世宗嘉靖四年省編民壯仍照丁糧減去
四百名止僉二百名每名歲定工食銀六兩知縣毛

鳳韶建言民壯輪班應役除上司按臨合力操演外
餘日盡放歸農至冬時就役工食止給一季神宗萬
歷二年郡守黃焯議加八縣民壯共一千一百七十
二名并原存民壯二百八十八名共一千四百六十
名申詳院道請定各縣額數浦江縣額准一百三十
名每名歲給工食銀七兩二錢後因府城缺人防守
又於各縣民壯內量取三百八十名在府操守浦江
縣額取三十名

附考(舊志)明太祖洪武時設立楊家埠巡檢司弓

兵三十名後裁革

國朝實役民壯每縣五十名每年於實徵銀內支給工食
銀二千三百八十兩一錢六分四釐康熙十五年奉
裁康熙二十一年為欽奉

恩詔事案內奉文復留現在民壯額設一十四名按年造

冊報司

(薛志)按前明倭寇鴟張諸縣多被焚掠郡城震
驚額兵不敷防守不得不增編民壯以充調撥

國朝自康熙甲寅三藩勦滅而後韜戈衅甲閭里太平民
壯第充縣官差役之用徒耗廩食未免冗濫今裁存

十四名亦因時立制
也以上俱本(薛志)

教場

(舊志) 宋設教場在縣東一里自元久廢莫詳其處明

武宗正德八年知縣鄒輓始置教場於東山龍塔之

東南地復侵於民世宗嘉靖三年知縣毛鳳韶復所

侵地周圍設土墩以界之東六十六步南四十九步

西五十九步北四十一步建亭三間名曰演武亭萬

歷四十四年知縣黎宏道重建演武廳

黎侯有記見壇墼門社稷

壇下按記略云演武場距城東閣方一里舊未有廳邑君臨較觀兵僅棲遲於松杉蓬廠之下軍氣不張

乃捐俸造廳三間外築墻垣場前兀起轅門以通出入

國朝順治五年分防參將周一鳳重建講武堂并轅門圍

太墻今皆廢薛志云浦江教場自明正德八年鄒侯

年知縣秦文超奉文築先農壇始將講武堂舊址建

廟築壇每歲霜降日閱操官卽於是處設座而舊制

閱武 舊制霜降前三日巡捕等官率馬步快及民壯

弓兵演操至期印官率僚屬至教場祭旗纛巡捕等

官督操如制行賞罰今雖巡檢裁缺不設弓兵民壯

減額其制仍舊薛志

險要

界牌 在縣東五十里二十一與諸暨連界明崇禎十

六年疊石置關於此今廢按此通諸暨孔道並非

光緒甫江系志高 卷之五 兵防 五

由諸暨宣和而進五指山可越嶺而過明初太祖遣
 謝再興守諸暨以抗張士誠方國珍再興叛降士誠
 李文忠在嚴州聞亂急遣將胡德濟進屯五指山下
 李文忠議以諸暨浙東藩籬也諸暨不守則金衢處
 皆不支矣親引兵馳至度地去諸暨城六十里並五
 指山築城以守之名曰新城敵來攻不能下乃去既
 而士誠復遣兵水陸並進踰浦江圍新城胡德濟求
 援文忠遣陳愷為先鋒直抵浦境二十都之龍潭口
 據險為營敵來攻李文忠遣朱亮祖陳愷等橫槊大
 呼而入敵敗去於是新城之守固婺衢處皆無恙矣

步虛嶺 在縣東南三十里十三都地與義烏連界明崇禎

十一年知縣吳應台設望臺一座今廢按康熙十

變徐襲曹朱諸冠羣相騷擾據城為寨十二月十八

日邑令毛文埜請兵勦撫賊遁入義烏追至戚村橋
 步虛嶺殲滅殆盡

太陽嶺 在縣南五十里九都地與金華界向設石關一

座今廢咸同年間賊來往金華悉由此嶺若作營防禦自可固守

橫木嶺 在縣西南五十里八都與蘭谿界明崇禎十

一年知縣吳應台設石壘一帶今廢按浦與蘭谿相近之地有嵩山險

要之區元季兵擾邑人蔣鏞築寨保聚境內皆安又有盤山在金華北山之北亦險要可守咸豐十一

年七月初四日粵匪入寇此嶺無兵勇防禦遂由蘭越嶺直趨五路嶺入浦

井坑嶺 在縣西四十里三都與建德界明崇禎十一

年知縣吳應台設望臺一座今廢按此嶺為通嚴孔道咸豐十一年九月

二十四日賊自嚴州小里埠過此嶺入浦同治元年閏八月初三日踞城賊與花旗賊由此嶺竄嚴

截柘嶺 在縣西北四十里二都與建德界按此嶺為西北

咽喉咸豐十一年九月賊由此往破嚴州同治元年閏八月花旗賊與踞城賊悉由此嶺去又有夷嶺亦

上者甫工系云高... 兵防

閒道險要也

馬嶺 在縣西北五十里二十五與建德界直源至桐

廬鷓鴣埠 按此嶺為通桐建要道咸豐十一年八月

經此嶺回省九月二十三日守城軍因糧盡援絕由西門出

浦同治元年八月朱宅團勇于馬嶺寺下疊石門以

守嶺西又有霍嶺通建德小里埠時翁何村有賊數

千札營時來攻打馬嶺苗溪與梓州局勇日防守九

月初十日會同大小姑及嵩溪

團勇由此嶺往衝鷓鴣驚賊卡

陽塘關 在縣東北九十里二十九與諸暨西鄉連界

唐宋置關於此今廢咸豐十一年諸生戴熙堂辦

鉛彈以資堵禦九月二十六日賊由

間道入關破熙堂與子興淮死之

金沙嶺 在縣北九十里三十與富陽連界明崇禎十

一年知縣吳應台設石關一座今廢咸豐十一年九月二十六日賊至

馬劍等處義勇奮禦之殺賊數名賊即由此嶺竄富陽

蕩江嶺 在縣北七十里二十七里嶺上有寺與桐廬四

管杏坑連界

按此嶺低小無險可守如桐邑柴埠有警宜守裡松山楊家嶺其嶺高峻路亦

崎嶇疊石為營自可固守同治元年八月廿七日周志悅等集團設局於蕩江嶺上時桐邑裡松山有賊卡離局五里許志悅會杏坑局勇衝卡殺賊數十名奪馬二匹九月二十四日踞桐賊賴剝皮由柴埠進兵圖報復杏坑局勇與志悅局勇禦楊家嶺賊受創退翼晨賊攻益急義勇槍石俱下賊各持稻草一束分三路上時勇未齊集勢不支潘懷德陣亡然亦不先覺石為營故也

舖遞

浦陽驛 (浙江通志) 在縣東北二十步宋紹定二年

知縣李知退建舊稅課局即其址也今縣前舖舊在縣前

西舖司一名舖兵二名遞五路嶺舖計程十里久裁五

路嶺舖原有郵亭久裁舖司一名舖兵二名遞洪溪舖計程

十里久裁洪溪舖有郵亭舖司一名舖兵二名遞白棗舖

計程十里久裁白棗舖有郵亭舖司一名舖兵二名遞沙

溪舖計程十里久裁沙溪舖原有郵亭久廢舖司一名舖兵二

名遞太陽嶺舖計程十里久裁太陽嶺舖原有郵亭久廢舖司

一名舖兵二名遞金華縣抱溪計程十里久裁

電綫

光緒六年通商大臣李鴻章奏行陸綫電報縣於九年

設立每地隔數十丈植杉木一株梢懸磁瓶繫引鐵
線條自諸暨入縣境界牌經白馬橋鄭義門王公橋
七里亭城南沿江過前吳界牌源通化橫溪石埠頭
等處遞入蘭谿有電報局復經衢州達福建諸省

兵事

(宋書褚叔度傳) 宋少帝景平二年褚淡之為會稽太
守富陽縣孫氏聚合門宗謀為逆亂淡之遣隊主陳
願郡議曹椽虞道納二軍過浦陽江願等戰賊遂摧
鋒而前

(鄭剛中北山集送浦江石尉序) 宣和二年初春妖賊

犯浦公未去十里而邑已爲灰三年秋賊氛廓清羣醜殄滅

(宋濂人物誌黃仁環傳) 宋高宗建炎元年山賊何三五作亂仁環與唐子容謀僞與賊合留其主首引衆鼓而東行十餘里至朱邨分路口轉陣殺賊子容奮兵擊賊千餘人得脫者無數輩諸酋留者仁環令諸子享於家酒酣用斧自後斫殺之

(舊志) 宋高宗紹興中值睦寇亂邑侯黃汝楫出已資輸賊乃不犯界四境晏然

(宋濂集戴理墓誌銘) 宋德祐丙子之變惡少年相挺